



**LAPORAN LIPUTAN MEDIA HARIAN  
SELASA 3 JANUARI 2023**

<b>BIL</b>	<b>TAJUK KERATAN AKHBAR</b>	<b>KEMENTERIAN / JABATAN / AGENSI</b>
1.	MOHAMAD SABU BERI KOMITMEN, BAWA ISU KE MESYUARAT, ASTRO AWANI -ONLINE	KEMENTERIAN PERTANIAN DAN KETERJAMINAN MAKANAN (MAFS)
2.	MAFS SERAH BANTUAN RM100,000 KEPADA PNK KOTA KINABALU, UTUSAN BORNEO -ONLINE	
3.	PESAWAH DI PANTAI TIMUR TERIMA BANTUAN KHAS BERNAS 16 JANUARI, BH -ONLINE	
4.	PENJELASAN MAT SABU KENAPA PUNCA HARGA TELUR DAN AYAM MENINGKAT BERGANDA BUAT RAMAI BERDEKAH, LIMAU ASAM BOI -ONLINE	
5.	KERAJAAN MULA SALUR BANTUAN RM10 JUTA BERNAS, SUARA PAKATAN DAILY -ONLINE	
6.	TARIKH BAYARAN BANTUAN KHAS BERNAS RM250 BUAT SETIAP PESAWAH DI MALAYSIA, EDU BESTARI -ONLINE	
7.	TELUR: PROGRAM INTERVENSI FAMA SEHINGGA JUN INI, DALAM NEGERI, UM -7	LEMBAGA PEMASARAN PERTANIAN PERSEKUTUAN (FAMA)
8.	PEKEBUN DI CAMERON HIGHLANDS BIMBANG, HASIL STRAWBERI MEROSOT, FREE MALAYSIA TODAY -ONLINE	LAIN-LAIN
9.	TIGA TAHUN TAK UNTUNG SEBAB HARGA DEDAK MELAMBUNG, UM -ONLINE	
10.	DEDAK TEMPATAN BOLEH BANTU TURUN HARGA AYAM, UM -ONLINE	
11.	KAWALAN HARGA PUNCA TELUR, GULA, MINYAK MASAK DAN TEPUNG SELALU KURANG, MALAYSIA GAZETTE -ONLINE	
12.	REDA 48 SARANG KELULUT DIHANYUT BAH, LOKAL, HM -9	
13.	PERKASA SOSIEKONOMI, PENDIDIKAN BELIA INDIA, FORUM, UM -19	
14.	NOTA: ISU TELUR DAN LAISSEZ-FAIRE, NASIONAL, HARAKAH -H3	
15.	TIADA PERUBAHAN: MASALAH TELUR, AYAM PUN TAK MAMPU SELESAI, NASIONAL, HARAKAH -H4	
16.	BEKALAN TELUR, MINYAK MASAK PEKET MASIH TIDAK CUKUP, NEGARA, KOSMO -16	
17.	BEKALAN TELUR, MINYAK MASAK RESAHKAN PENIAGA, NASIONAL, BH -20	
18.	PETANI RUGI RM100,000 PADI DITENGGELAMI BANJIR, DALAM NEGERI, UM -32	
19.	GREENHOUSE PROVIDES THERAPY, SOURCE OF INCOME TO STUDENTS WITH CEREBRAL PALSY, NEWS, THE STAR -4	
20.	MINI BUDGET AND EGG, RICE AND MEAT, NATIONAL, NANYANG SIANG PAU -A2	

UKK MAFS

UNIT KOMUNIKASI KORPORAT  
KEMENTERIAN PERTANIAN DAN KETERJAMINAN MAKANAN  
(UNTUK EDARAN DALAMAN MAFS, JABATAN DAN AGENSI SAHAJA)

TARIKH	MEDIA	RUANGAN	MUKA SURAT
3/1/2023	ASTRO AWANI	ONLINE	

## CPTPP | Mohamad Sabu beri komitmen, bawa isu ke mesyuarat Kabinet



Menteri Pertanian dan Keterjaminan Makanan, Mohamad Sabu memberi jaminan akan membawa isu Perjanjian Komprehensif dan Progresif bagi Perkongsian Trans-Pasifik (CPTPP) yang memberi kesan kepada sektor pertanian negara untuk perhatian Kabinet. Menurut Ketua Koordinator Forum Kedaultan Makanan Malaysia (FKMM), Nurfitri Amir Muhammad, jaminan itu dinyatakan Mohamad dalam pertemuan bagi menyerahkan memorandum FKMM pada Khamis.

TARIKH	MEDIA	RUANGAN	MUKA SURAT
3/1/2023	UTUSAN BORNEO	ONLINE	

## MAFS serah bantuan RM100,000 kepada PNK Kota Kinabalu



**SERAH:** Chan (dua kiri) menyerahkan replika cek kepada PNK Kota Kinabalu ketika dalam lawatan berkenaan.

**KOTA KINABALU:** Persatuan Nelayan Kawasan (PNK) Kota Kinabalu menerima bantuan sejumlah RM100,000 daripada Kementerian Pertanian dan Keterjaminan Makanan (MAFS).

Timbalan Menteri Chan Foong Hin menyerahkan 'Mock Cheque' berkenaan sebagai bantuan pembinaan Jeti Kampung Lobong separa konkrit untuk manfaat lebih 350 orang penduduk Kampung Lobong.

Chan yang juga Ahli Parlimen Kota Kinabalu menyempurnakan penyerahan itu ketika mengadakan Lawatan Kerja Rasmi seterusnya merasmikan Program Jiwa Murni bersama Nelayan di Pulau Gaya, hari ini.

Turut hadir adalah Pengarah Pembangunan Masyarakat dan Pertubuhan Nelayan Lembaga Kemajuan Ikan Malaysia (LKIM) Hamdan Mamat, Pengarah LKIM Negeri Sabah, Mohd Jamil Abdullah serta pegawai dan kakitangan LKIM.

Dalam lawatan kerja yang sama juga, Chan juga menyerahkan bantuan sebanyak RM10,000 menggunakan peruntukan Tabung Bantuan Bencana Alam dan Kebajikan Nelayan serta bakul makanan kepada enam orang nelayan Pulau Gaya yang terjejas akibat kejadian ribut baru-baru ini.

MAFS dan LKIM sentiasa berusaha dan komited untuk membantu meringankan beban yang ditanggung golongan sasaran nelayan seterusnya nelayan terjaga memastikan kebajikan dan keselamatan selain memastikan sekuriti makanan sentiasa terjamin dalam apa jua keadaan.

TARIKH	MEDIA	RUANGAN	MUKA SURAT
3/1/2023	BERITA HARIAN	ONLINE	

## Pesawah di Pantai Timur terima bantuan khas BERNAS 16 Januari



PUTRAJAYA: Pesawah di Kelantan, Terengganu dan Pahang akan menerima [Bantuan Khas Padiberas Nasional Berhad \(BERNAS\)](#) bagi 2022 berjumlah RM10 juta yang akan disalurkan selewat-lewatnya 16 Januari ini.

Mereka menjadi kumpulan pertama menerima bantuan berkenaan selepas Perdana Menteri, Datuk Seri Anwar Ibrahim pada awal bulan ini, berkata kerajaan mengarahkan BERNAS menyalurkan peruntukan RM10

juta kepada pesawah miskin bulan ini dan RM50 juta tahun hadapan.

Menteri Pertanian dan Keterjaminan Makanan (MAFS), Mohamad Sabu, berkata MAFS dan agensi di bawahnya sedang memuktamadkan senarai nama dan nombor akaun pesawah di ketiga-tiga negeri bagi memastikan proses penyaluran berjalan lancar.

"Seramai 20,598 pesawah akan menerima manfaat daripada sumbangan BERNAS berjumlah RM250 bagi setiap pesawah," katanya dalam kenyataan hari ini.

Beliau berkata pesawah di negeri lain akan menerima baki bantuan khas BERNAS berjumlah RM50 juta yang akan disalurkan secara berperingkat.

Pada awal Disember, media melaporkan, Kerajaan Persekutuan mengarahkan BERNAS menyalurkan peruntukan RM10 juta kepada pesawah miskin bulan ini dan RM50 juta tahun hadapan.

Perdana Menteri dilaporkan berkata, ia dilakukan untuk kepentingan rakyat dan pesawah miskin termasuk di Kedah dan bukan bertujuan merobohkan empayar perniagaan Tan Sri Syed Mokhtar Al-Bukhary.

Katanya, langkah yang diambil Kementerian Kewangan itu bertujuan mencari jalan penyelesaian dan Syed Mokhtar sendiri bersetuju selepas rundingan diadakan dan persetujuan itu dicapai susulan teguran beliau berhubung permasalahan monopoli import beras di negara ini.

Isu monopoli BERNAS dibincangkan pada Mesyuarat Khas Jemaah Menteri pertama pada 5 Disember lalu selepas Anwar mengangkat sumpah sebagai Perdana Menteri Ke-10 dengan kerajaan berpandangan BERNAS perlu mengambil tanggungjawab pembangunan sosioekonomi lebih besar dan berkesan pada masa depan.

Perdana Menteri kemudian memaklumkan, BERNAS bersedia menyumbang RM10 juta tahun ini dan RM50 juta tahun depan untuk petani miskin dan kerajaan akan meneliti keuntungan syarikat itu sebelum membuat keputusan selanjutnya.

Pada akhir 2020, kerajaan menyambung konsesi BERNAS sebagai pengimport dan pengedar tunggal beras negara buat kali ketiga selama 10 tahun mulai 11 Januari 2021 sehingga 10 Januari 2031 dengan terma perjanjian dikemas kini serta penambahan tanggungjawab sosial untuk syarikat terbabit.

**BERNAS ditubuhkan bagi menggantikan Lembaga Padi dan Beras Negara (LPN) pada 1996 dengan tanggungjawab memastikan keterjaminan bekalan beras negara yang menjadi makanan ruji rakyat Malaysia.**

TARIKH	MEDIA	RUANGAN	MUKA SURAT
3/1/2023	LIMAU ASAM BOI	ONLINE	

## Penjelasan Mat Sabu kenapa punca harga telur dan ayam meningkat berganda buat ramai berdekah



KUALA LUMPUR : Kenaikan harga ayam dan telur yang agak tinggi berpunca daripada faktor makanan ayam itu sendiri yang turut mengalami peningkatan yang mendadak.

Menteri Pertanian dan Keterjaminan Makanan, Mohamad Sabu berkata, faktor makanan yang diimport juga menyebabkan berlaku peningkatan berganda.

Advertisement

“Meskipun harga ayam agak stabil tetapi masih belum berada pada tahap memuaskan dan antara puncanya kerana harga makanan ayam itu kerana ianya diimport dan bahan import juga naik berganda.

“Kita cari jalan supaya harganya itu agak seimbang dan kerana itulah kita perkenalkan subsidi kepada ayam dan telur supaya dapat wujudkan harga yang berpatutan,” katanya ketika program Agenda AWANI pada Jumaat malam.

Selain itu, Mohamad turut memberitahu, wujud permasalahan lain seperti kekurangan pekerja mengakibatkan bekalan telur ayam turut mengalami kekurangan.

Jelasnya, kerajaan juga telah mengadakan perbincangan bagi memastikan kemasukan pekerja luar dapat dipermudahkan bagi membantu pengusaha yang terjejas.

“Kabinet dalam minggu lepas telah pun membuat satu keputusan supaya dipermudahkan kemasukan pekerja supaya penternak yang mengadu hal kekurangan pekerja ini dapat kita tampung segera.

“Jika ada pekerja yang mencukupi, penternak boleh keluarkan 500,000 biji telur sehari namun jika sebaliknya, pengeluaran hanya mampu dibuat sekitar 300,000 biji sehari,” katanya lagi.

Mohamad dalam masa sama menyatakan, kementeriannya akan turut menumpukan soal bekalan makanan yang mencukupi selain turut memastikan harga yang berpatutan bagi memanfaatkan rakyat di negara ini.

TARIKH	MEDIA	RUANGAN	MUKA SURAT
3/1/2023	SUARA PAKATAN DAILY	ONLINE	

## Kerajaan mula salur bantuan RM10 juta BERNAS



Bantuan Khas Padiberas Nasional Berhad (BERNAS) berjumlah RM10 juta bagi tahun 2022 bakal disalurkan secara berperingkat mulai awal tahun 2023.

Hal itu dinyatakan oleh Menteri Pertanian dan Keterjaminan Makanan (MAFS), Mohamad Sabu dalam satu kenyataan.

“Bantuan khas BERNAS sebanyak RM10 juta bagi tahun 2022 ini akan diberikan kepada tiga buah negeri di

Pantai Timur terlebih dahulu iaitu Kelantan, Terengganu dan Pahang.

“Manakala pesawah di negeri-negeri lain akan menerima apabila baki bantuan khas BERNAS berjumlah RM50 juta disalurkan,” katanya dalam satu kenyataan.

Menurut Mohamad, pesawah di tiga buah negeri terbabit akan menerima bantuan khas tersebut selewat-lewatnya pada 16 Januari depan.

“MAFS dan agensi di bawahnya sedang memuktamadkan senarai nama dan nombor akaun pesawah di ketiga-tiga negeri bagi memastikan proses penyaluran berjalan lancar.

“Seramai 20,598 pesawah akan menerima manfaat daripada sumbangan BERNAS ini yang berjumlah RM250 bagi setiap pesawah,” katanya.

Pada awal Disember lalu, BERNAS bersetuju dengan permintaan Perdana Menteri Datuk Seri Anwar Ibrahim supaya disediakan peruntukan sebanyak RM60 juta bagi membantu pesawah di seluruh negara.



TARIKH	MEDIA	RUANGAN	MUKA SURAT
3/1/2023	EDU BESTARI	ONLINE	

## Tarikh Bayaran Bantuan Khas BERNAS RM250 Buat Setiap Pesawah Di Malaysia

Jan 2, 2023 — 08:11 AM

INFO



Berita baik buat pesawah di seluruh Malaysia! Bantuan Khas Padiberas Nasional Berhad (BERNAS) berjumlah RM10 juta bagi tahun 2022 akan disalurkan secara berperingkat kepada pesawah. Pemberian diumumkan Menteri Pertanian dan Keterjaminan Makanan (MAFS), YB Tuan Haji Mohamad Sabu.

Seperti dimaklumkan, Bantuan khas BERNAS sebanyak RM10 juta bagi tahun 2022 ini akan diberikan kepada tiga buah negeri di Pantai Timur terlebih dahulu. Manakala pesawah di negeri-negeri lain akan menerima apabila baki bantuan khas BERNAS berjumlah RM50 juta disalurkan.

Ikuti perkongsian di bawah untuk maklumat lanjut dan tarikh bayaran bantuan khas BERNAS.



TARIKH	MEDIA	RUANGAN	MUKA SURAT
3/1/2023	UTUSAN MALAYSIA	DALAM NEGERI	7

# Telur: Program intervensi FAMA sehingga Jun ini

**PETALING JAYA:** Lembaga Pemasaran Pertanian Persekutuan (FAMA) akan meneruskan program mengedarkan telur di pasaran sehingga keadaan kembali pulih.

Timbalan Ketua Pengarah (Operasi) FAMA, Abdul Rashid Bahri berkata, ia disalurkan ke 534 cawangan pasar tani, agro bazar kedai rakyat dan menerusi pelbagai program pemasaran yang dijalankan di seluruh negara.

Jelasnya, FAMA akan meneruskan intervensi itu sehingga Jun ini bagi fasa pertama dan melihat keadaan semasa terlebih dahulu sama ada bekalan sudah kembali pulih atau memerlukan usaha itu diteruskan.

“Untuk FAMA ketika ini, kami hanya fokus kepada telur yang dikeluarkan oleh pengusaha tempatan dan kita membeli di tiga tempat utama iaitu Melaka, Sarawak dan Sabah. Buat masa

ini 90 peratus bekalan diperoleh dari Melaka.

“Kekerapan bekalan telur ini diedarkan adalah setiap minggu dan kadar bekalan untuk seminggu adalah sebanyak 1.2 juta. Pada tahun ini, pembekal maklumkan kepada FAMA bahawa kami boleh meningkatkan lagi jumlah bekalan,” katanya ketika dihubungi *Utusan Malaysia*.

Terdahulu, akhbar melaporkan negara menghadapi ketiadaan bekalan telur yang cukup sehingga mengakibatkan bekalan sedikit itu dijual dengan harga yang jauh lebih tinggi daripada biasa atas alasan bekalan sedikit.

Perkara ini secara langsung menyebabkan pengguna semakin bimbang apabila mereka berkunjung ke kedai runcit, pasar raya dan sebagainya perlu berebut untuk mendapatkan bekalan tersebut.

TARIKH	MEDIA	RUANGAN	MUKA SURAT
3/1/2023	FREE MALAYSIA TODAY	ONLINE	

## Pekebun di Cameron Highlands bimbang, hasil strawberi merosot



Pekebun Shaun Kyle menyusun hasil strawberi untuk dijual pada pelanggan.

CAMERON HIGHLANDS: Seorang pekebun strawberi di Cameron Highlands tidak mempunyai pilihan selain membuka ladangnya kepada pelancong demi menampung kehidupan berikutan kemerosotan hasil buah itu, sejak kebelakangan ini.

Pekebun strawberi Kasimanis, Shaun Kyle, berkata hasil buah itu berkurangan sejak akhir-akhir ini susulan perubahan cuaca.

“Ada masanya suhu meningkat di atas paras 22 darjah (celsius), manakala pada hari lain, cuaca terlalu sejuk. Suhu ideal bagi tanaman strawberi antara 16 dan 22 darjah.

“Iklim terlalu panas akan menyebabkan saiz strawberi mengecil dan kalau terlalu sejuk hasil tidak banyak,” katanya kepada FMT.

Baru-baru ini, Kyle membuka ladangnya untuk dikunjungi demi menambah pendapatannya.

“Akhir-akhir ini, kami tidak boleh hanya bergantung kepada pendapatan pengeluaran strawberi semata-mata. Kami mesti mencari jalan alternatif lain untuk mengekalkan perniagaan kami,” katanya.



Pemilik ladang strawberi Raju Hill, Selvaraj V, berkata musim tengkujuh dan perubahan iklim menyebabkan cuaca semakin sejuk di Cameron Highlands.

Kyle berkata, banyak tekanan tertumpu kepada ladangnya untuk menyediakan bekalan strawberi mencukupi, sekali gus menyebabkan dirinya bergantung harap kepada pekebun lain demi menampung kekurangan.

Katanya, ada sesetengah pekebun terpaksa mengimport strawberi untuk dijual kepada pengguna.

Dalam pada itu, pemilik ladang strawberi Raju Hill, Selvaraj V, berkata musim tengkujuh ditambah dengan perubahan iklim menyumbang kepada cuaca lebih sejuk di Cameron Highlands, menjurus kepada pengurangan hasil tuaian.

“Corak cuaca hari ini cukup berbeza. Kami pernah menuai hasil antara 200 hingga 300kg strawberi ketika cuaca cerah, namun sejak akhir-akhir ini kami hanya dapat menuai 30kg sahaja dalam sehari,” katanya kepada FMT.

Presiden Persatuan Kesedaran Alam Sekitar Cameron Highlands (REACH), Dilip Martin, berkata kawasan bukit itu terlalu banyak pembangunan dan banyak bukit sekitarnya sudah diratakan.

**“Gunung Jasa kini sudah tiada. Kerajaan membangunkan projek 1Malaysia di sana. Tanah di bandar Ringlet juga dibangunkan untuk projek itu.**



**Presiden Persatuan Kesedaran Alam Sekitar Cameron Highlands (REACH), Dilip Martin, berkata hasil strawberi terkesan disebabkan perubahan cuaca, selain penebangan hutan di kawasan persekitaran.**

**“Suhu di Cameron Highlands pernah berada antara 16 hingga 17 darjah. Ketika ini, suhu antara 18 hingga 21 darjah dan pada masa depan, mungkin ia meningkat antara 22 hingga 25 darjah,” katanya.**

**Dilip menggesa kerajaan menghentikan penebangan hutan secara sembarangan di Cameron Highlands bagi menangani kesan perubahan iklim.**

**Katanya, beliau juga mahu undang-undang berkaitan disemak bertujuan mengenakan hukuman lebih keras terhadap mereka yang terlibat dengan penebangan hutan.**

**Ketika ini, hukuman pencerobohan hutan dikenakan denda RM10,000 atau tiga tahun penjara atau kedua-duanya.**



TARIKH	MEDIA	RUANGAN	MUKA SURAT
3/1/2023	UTUSAN MALAYSIA	ONLINE	

## Tiga tahun tak untung sebab harga dedak melambung



KOO Yin Cheong (kiri) dibantu anaknya, Koo Kwong Leong di ladang ternakan ayam telur mereka di

TAPAH: "Tiga tahun tiada untung tetapi kami terus berniaga kerana tak mahu perniagaan ini ditutup. Semuanya disebabkan harga dedak melonjak."

Itu luahan seorang penternak ayam telur, Koo Yin Cheong, 61, di [Ayer Kuning](#) di sini, berhubung kekurangan bekalan telur di

pasaran termasuk di daerah Hilir Perak.

Bercakap kepada *Mingguan Malaysia*, Yin Cheong berkata, harga dedak untuk makanan ayam iaitu jagung naik daripada RM800 satu tan metrik sebelum ini kepada sekitar RM1,600 satu tan metrik disebabkan penurunan nilai mata wang ringgit kerana dedak diimport dari Amerika Syarikat.

Katanya, harga dedak yang tinggi menyebabkan kos ternakan mereka juga meningkat.

Jelasnya, selain kos meningkat, penternak terikat dengan harga jualan yang ditetapkan oleh kerajaan.

"Ini perniagaan keluarga, sudah berusia 50 tahun. Sebelum ini tiada masalah harga dedak namun sejak kenaikannya yang hampir sekali ganda menyebabkan pengeluaran telur terhad, jika tidak kami rugi besar.

"Sekarang saya terpaksa menghadkan penjualan kepada pelanggan. Kalau minta 100 papan, saya cuma mampu beri separuh iaitu kira-kira 50 papan supaya pelanggan yang lain juga mendapat bekalan selain saya juga mempunyai lori yang menghantar kepada pelanggan tetap.

"Jika diikutkan sukar untuk kami bertahan disebabkan kenaikan harga dedak tapi teruskan juga kerana tidak mahu perniagaan ini ditutup," katanya ketika ditemui semalam.

Yin Cheong berkata, selain itu, langkah kerajaan menetapkan harga siling telur di bawah barang kawalan menjejaskan keuntungan kerana kos ladang lebih tinggi daripada harga siling ditetapkan.

Katanya, sebagai contoh kos untuk sebiji telur ayam gred A ialah kira-kira 50 sen sedangkan harga siling yang ditetapkan bagi telur ayam gred A ialah 42 sen sebiji.

Jelasnya, kos yang sama terpaksa dikeluarkan untuk telur gred B dan gred C iaitu pada kos 50 sen sedangkan harga subsidi telur gred B ialah 40 sen manakala telur gred C ialah 38 sen sebiji.

"Dengan keadaan itu bagaimana kami nak tampung kos pengeluaran. Ini menyebabkan bekalan telur dan ayam berkurangan di pasaran," katanya. – [UTUSAN](#)

TARIKH	MEDIA	RUANGAN	MUKA SURAT
3/1/2023	UTUSAN MALAYSIA	ONLINE	

## Dedak tempatan boleh bantu turun harga ayam



INSTITUT Penyelidikan dan Kemajuan Pertanian Malaysia (MARDI) menjalankan penyelidikan menggunakan pelbagai sumber tanaman dan bahan sampingan pertanian bagi mengurangkan kebergantungan ke atas bahan dedak import seperti jagung dan mil kacang soya. – UTUSAN/PUQTRA HAIRRY

FORMULA Menteri Ekonomi, Rafizi Ramli bahawa kalau ayam mahal, kurangkan makan ayam adalah

hipotesis mudah dalam ekonomi. Maksudnya, kenaikan harga akan mendorong kepada pengurangan permintaan. Ini bermakna, tinggi permintaan, maka tinggilah harga dan jika kurang permintaan maka harga akan lebih murah.

Formula yang sama pernah disarankan oleh bekas Menteri Perdagangan Dalam Negeri, Koperasi dan Kepenggunaan, Datuk Seri Hasan Malek; bekas Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi dan Pengarah Kementerian Perdagangan Dalam Negeri dan Hal Ehwal Pengguna (KPDNHEP) Melaka, Norena Jaafar sebelum ini adalah benar namun ketika itu mereka dihentam oleh pembangkang terutama Rafizi sendiri.

Namun apabila beliau dalam Kabinet, formula yang dahulunya dikecam teruk digunapakai sekali gus 'disucikan'.

Sebenarnya formula ini tidak salah dari segi ekonomi, namun rakyat sangat tidak menyukainya kerana mereka mahu kerajaan mencari penyelesaian tuntas, bukannya meletakkan semula kepada rakyat dengan menyuruh itu dan ini demi menurunkan harga.

Menyekat pembelian sesuatu barang keperluan adalah langkah masa pendek. Sampai bila rakyat perlu menahan diri dari membeli ayam sedangkan jika dilihat punca utama kenaikan harga ayam adalah orang tengah dan penternak terpaksa menanggung kos peningkatan operasi apabila [dedak ayam](#) iaitu jagung yang diimport dari luar negara tidak berkualiti hingga menjadikan pembesaran ayam lambat.

Oleh itu, mengapa tidak kerajaan merancang untuk mengkaji dan menghasilkan dedak ayam tempatan untuk skala besar. Ini dapat membantu mengurangkan harga pasaran ayam sekali gus membuka ruang perniagaan untuk kita mengeksport pula ke negara luar. Namun, pastikan keperluan dalam negara dipenuhi terlebih dahulu.

Institut Penyelidikan dan Kemajuan Pertanian Malaysia (MARDI) telah menawarkan formula baharu untuk pemain industri bagi menyelesaikan masalah berkaitan tumbesaran dan kesihatan ayam sehingga menyebabkan bekalan bahan makanan itu terjejas.

Tetapi difahamkan syarikat-syarikat pembuatan dedak ayam atau makanan ternakan sudah mempunyai formula tersendiri menyebabkan mereka sukar untuk beradaptasi atau 'tidak berminat' dengan teknologi ditawarkan MARDI.

Jadi mungkin kerajaan boleh memainkan peranan dengan berani untuk menggalakkan industri berubah, namun perlu dipastikan bahawa protein dan tenaga yang ada dalam dedak ayam setanding atau hampir sama dengan yang diimport sebelum ini.-UTUSAN



TARIKH	MEDIA	RUANGAN	MUKA SURAT
3/1/2023	MALAYSIA GAZETTE	ONLINE	

## Kawalan harga punca telur, gula, minyak masak dan tepung selalu kurang



Mekanisme baharu perlu diperkenalkan dalam mengawal harga barangan keperluan.

KUALA LUMPUR – Peniaga berpendapat kawalan harga dan penetapan harga siling telah menyebabkan telur, gula putih, minyak masak dalam paket dan tepung selalu berlaku kekurangan di pasaran.

Susulan daripadanya, peniaga juga berpendapat kerajaan harus menilai semula mekanisme kawalan

harga yang sudah ketinggalan zaman.

Presiden Persekutuan Persatuan Peniaga Barang Runcit Malaysia, Hong Chee Meng berkata, semua barangan yang berdepan kekurangan pada masa ini adalah barang kawalan termasuk telur, gula, minyak masak berpaket dan tepung.

Katanya, barangan yang harganya tidak dikawal pula mempunyai stok yang cukup.

Jelasnya, kekurangan berlaku kerana harga barang kawalan yang lebih murah mendorong pembeli menumpu perhatian untuk membeli barangan berkenaan.

“Pembelian barangan murah merupakan sifat semula jadi pengguna dan peniaga tidak boleh mengawal trend ini.

“Walaupun peniaga menetapkan satu keluarga hanya boleh membeli tiga paket minyak masak, tetapi terdapat ramai ahli dalam satu keluarga dan mereka juga boleh membeli di kedai-kedai berlainan,” katanya kepada *Nanyang Siang Pau*.

Chee Meng berkata, walaupun bekalan minyak masak bersubsidi telah ditingkatkan daripada 60,000 tan sebulan kepada 70,000 tan sebulan, tetapi barang itu masih kekurangan stok.

Katanya, keadaan itu adalah tidak munasabah kerana berdasarkan populasi Malaysia sebanyak 32 juta orang, keperluan minyak masak hanyalah 45,000 tan sebulan.

Tambahnya, lebih 20 peratus keluarga juga tidak menggunakan minyak bersubsidi, tetapi membeli minyak berjenama lain.

“Oleh itu, kenapa 70,000 tan minyak masak masih tidak mencukupi?

“Ini merupakan soalan matematik yang mudah dan Kementerian Perdagangan Dalam Negeri dan Kos Sara Hidup perlu menilainya,” kata Chee Meng.

Beliau mencadangkan kerajaan menilai untuk menggerakkan harga terapung mengikut pasaran, tetapi menyediakan kupon pembelian atau kupon diskaun kepada golongan sasaran.

Ujarnya, cara itu lebih dapat membantu golongan B40 dan lebih berkesan untuk mencapai penghapusan kemiskinan. – MalaysiaGazette



YAHAYA dari Kampung Lubuk Peretak, Kuala Berang, Hulu Terengganu melihat sarang kelulut yang dapat diselamatkan akibat banjir. - Gambar NSTP/NAZDY HARUN

## Reda 48 sarang kelulut dihanyut bah

**Kuala Berang:** Seorang penternak lebah kelulut berputih mata apabila 48 sarang lebah kelulut bernilai lebih RM26,000 milikinya musnah akibat banjir yang berlaku sebelum ini. Yahaya Abdullah, 62, dari Kampung Lubuk Peretak di sini berkata, dia mula menernak lebah kelulut sejak empat tahun lalu namun kejadian banjir luar biasa yang berlaku pada Februari dan Disember lalu menyebabkannya mengalami kerugian.

Katanya, dia menernak dua spesies lebah kelulut iaitu Itama dan Thoraicia namun sarang lebah yang diletakkan di atas bongkah batu dihanyutkan banjir

yang dibaratkan luar biasa kali ini.

"Biasanya banjir berlaku tidak seperti ini kerana paras air yang melimpah kali ini mencecah dua meter hingga menghanyutkan sarang kelulut.

"Banjir sebelum ini tidak begitu dalam seperti yang berlaku pada Februari dan Disember itu yang membuatkan saya tidak sempat mengalihkannya semua sarang lebah berkenaan," katanya.

Menurutnya, ketika sibuk mengalihkannya barangan di dalam rumah bertukutan air meningkat mendadak, dia tidak sempat mengalih kebencana

kan banjir.

"Sekiranya sarang kelulut tidak rosak pendapatan hasil menjual madu kelulut boleh mencecah hingga RM4,000 namun bergantung kepada madu yang terhasil.

"Namun, dengan baki 15 sarang yang tinggal hasilnya tidak begitu banyak namun saya bersyukur kerana masih ada sarang yang dapat diselamatkan walaupun sebahagian besarnya musnah dan dihanyutkan.

Hasil menjual madu kelulut boleh mencecah hingga RM4,000

Menurutnya, kedudukan kampung yang sering dilanda banjir mengejutkannya ini untuk memampatkan sarang kelulut di kedudukan lebih tinggi supaya tidak terjejas sekiranya berlaku banjir.

Katanya, untuk mendapatkan sarang biasanya dia akan membeli daripada penduduk setempat sebelum sarang itu ditempatkan di pekarangan rumahnya.

"Kebiasaannya satu sarang boleh mengeluarkan antara 500 gram hingga satu kilogram madu dan ia dipungut antara bulan Januari hingga Oktober," katanya.



## Perkasa sosioekonomi, pendidikan belia India

### SAUDARA PENGARANG,

SAYA menyambut baik pengumuman Perdana Menteri, Datuk Seri Anwar Ibrahim untuk membentangkan Belanjawan 2023 pada 24 Februari ini.

Menggunakan kesempatan ini, saya ingin mencadangkan kepada Perdana Menteri agar mempertimbangkan beberapa perkara membabitkan kepentingan masyarakat India untuk dimasukkan dalam Belanjawan 2023 kelak.

Antaranya, penubuhan semula Jawatankuasa Kabinet Masyarakat India yang berperanan sebagai badan pemantau pelaksanaan dasar-dasar pembangunan berkaitan masyarakat India yang harus dipengerusikan oleh Anwar sendiri.

Penubuhan semula jawatankuasa ini akan membantu kerajaan menyelaras dan mengurus pembangunan sosioekonomi kaum India secara lebih bersasar.

Jawatankuasa itu pernah ditubuhkan sebelum ini, namun timbul pelbagai persoalan dari segi keberkesanannya terutama berkaitan penyelarasan kerjasama membabitkan pelbagai kementerian.

Selain itu, Perdana Menteri di harap meneliti pengoperasian Unit Transformasi Masyarakat India Malaysia (MITRA) di bawah Jabatan Perdana Menteri terutama dari aspek pengagihan peruntukan RM100 juta setiap tahun.

Kita semua maklum bahawa sebahagian besar dana yang diperuntukkan sebelum ini diagihkan dalam kalangan pelbagai pertubuhan, persatuan dan syarikat tanpa meneliti impak projek tersebut terhadap kumpulan sasar.

Dalam soal ini, saya dengan rendah diri ingin mencadangkan agar peruntukan MITRA digunakan untuk pemerksaan masyarakat India secara langsung.

Misalnya, golongan berpendapatan rendah (B40) kaum itu diberikan subsidi perkhidmatan internet untuk meningkatkan

kesinambungan digital mereka.

Inisiatif pembangunan usahawan muda komuniti India dalam pelbagai sektor juga satu lagi aspek yang harus diberi tumpuan. Saya memohon kerajaan agar menyediakan dana pembangunan keusahawan bersasar, misalnya melalui Kementerian Pertanian dan Keterjaminan Makanan.

Ini kerana sektor pertanian mempunyai penglibatan usahawan muda India yang tinggi pada masa kini. Penglibatan Jawatankuasa Kabinet Masyarakat India selaku pemudah cara pasti melancarkan proses usahawan muda mendapatkan dana-dana bantuan melibatkan pelbagai kementerian.

Di samping itu, bantuan-bantuan sedia ada untuk tujuan pembangunan usahawan India seperti Skim Pembangunan Usahawan Masyarakat India (SPUMI) dengan jumlah peruntukan RM25 juta wajar diteruskan dengan peningkatan dana berbanding tahun-tahun sebelum ini agar lebih ramai usahawan kecil dan sederhana kaum itu menerima manfaat.

Akhir sekali, saya ingin mengambil kesempatan ini untuk memohon kepada Perdana Menteri supaya memberi tumpuan tambahan pada aspek pendidikan kaum India.

Ini terutama soal peruntukan penyelenggaraan dan pengurusan sekolah jenis kebangsaan Tamil (SJKT), peluang penempatan pelajar kaum India lepasan Sijil Pelajaran Malaysia (SPM) dalam program matrikulasi dan universiti awam.

Bagi peruntukan penyelenggaraan dan pengurusan SJKT misalnya, jumlah diperuntukkan untuk tujuan tersebut dalam Belanjawan 2023 nanti wajar dinyatakan secara jelas selaras dengan nilai ketelusan yang menjadi agenda utama pentadbiran kerajaan perpaduan.

**DATUK SIVARAJ CHANDRAN**  
Kuala Lumpur



SEKTOR pertanian mempunyai penglibatan usahawan muda India yang tinggi pada masa kini termasuk tanaman cil.

# Nota: Isu telur dan Laissez-faire

## Bahan politik

HARI ini kita berhadapan dengan isu ekonomi. Rantawan permasalahan yang bermula sejak PKP, masih belum selesai hingga saat ini.

Harga naik di seluruh dunia, dijadikan bahan oleh para pembangkang ketika itu, untuk berteorikan dan beridealisme.

Namun, apabila mereka menjadi kerajaan, masih lagi mengulangi pendekatan kerajaan, sebelumnya yang pernah mereka jenakakan.

## Harga telur

Naik harga. Harga telur tidak stabil dikatakan berpunca daripada beberapa perkara. Ada yang mengatakan ia bermula dengan permintaan telur yang rendah ketika zaman PKP.

Lalu, para pengeluar telur (tauke) mengurangkan operasi pengeluaraninya. Iaitu dengan tidak membeli anak ayam dari luar negara, yang digunakan untuk bertelur.

Kalau nak beli pun, perlu ambil masa 5 bulan untuk capai umur boleh bertelur. Jadi, maknanya masa di situ.

Dalam masa yang sama, anak ayam ini makan dedak yang diperbuat daripada

da jagung dan soya. Harga dedak ni pun mahal.

## Dedak mahal

Dulu, dah pernah panas sebentar isu harga dedak meningkat. Sebabnya, jagung dan soya diimport dari luar, dan negara pengeksport itu terpaksa menaikkan harga.

<https://www.facebook.com/100051781123067/post/240355611033808/?d=n>

Ada yang mengatakan bahawa alasan import dedak kerana kosnya lebih murah berbanding mengimport dedak tempatan (*local production*).

Justeru, apabila negara pengeluar dedak naik harga, maka peningkatan itu menjadi bimbang dan berantoi. Ayam pun perlu dedak, anak ayam penelur pun perlu dedak. Maka, semua yang berkaitan dedak, naik harga (*demand and supply*).

## Tauke sakit kepala

Apabila dah naik harga, tauke sakit kepala, rakyat lagi sakit kepala. Namun, kerajaan bagi subsidi kepada tauke untuk tempung semua perkara itu.

Harga dedak difahamkan masih dan terus meningkat. Subsidi dah tak

dapat tampung sakit kepala para tauke disebabkan kerugian katanya.

Rugi sebab apa? Harga dedak mahal, tapi telur tak boleh jual mahal di Malaysia, sebab kerajaan sekat (kawalan harga). Ya lah, kerajaan lalu dah bagi subsidi dah.

## Bagaimana telur jadi tak cukup?

Kalau ditukarkan, telur di Malaysia ni cukup saja untuk rakyat Malaysia. Tapi tauke telur, sakit kepala kerana harga dedak import tadi duk naik.

Lalu, tauke-tauke telur tadi, tanak rugi punya pasal, ambil jalan dengan eksport telur-telur itu ke luar negara.

Tindakan ini menjadikan, telur asalanya cukup, jadi tak cukup. Fauke ni dah la dapat subsidi. Tapi dalam bisnes, takkan nak rugi.

## Import telur

Kerajaan macam biasa, sayangkan kat tauke. Risau tauke-tauke telur ini 'membungkus', nanti isu telur semakin teruk.

Kalau kerajaan tak kawal harga, tauke akan jual mahal, dan rakyat lagi sakit kepala. Jadi, kerajaan sayang juga pada rakyat, sebab dah undi mereka.

Jadi, kerajaan hari ini ambil pendekatan untuk import telur luar. Katanya untuk stabilkan harga telur (*demand and supply*).

Apabila kecukupan telur mencapai 100 peratus, maka secara teorinya, harga telur akan turun dan stabil. Begitulah yang diamalkan.

## Francois Quesnay (1694-1774)

Ok, dah selesai cerita mengenai telur dan dedak. Nanti di hujungnya saya akan 'ungkit' balik cadangan lama saya mengenai '*local production*'.

Dalam isu telur + dedak ini, saya teringat kisah Francois. Beliau hidup di zaman Raja Lois XV. Dunia Barat ketika itu sedang dilanda masalah ekonomi, antara puncunya ialah perang.

Ketika Raja bertanya kepada Francois mengenai perantaraan raja, Francois menasihati raja supaya biarlah sahaja ia ikut aturan semula jadi.

Ringkasnya, nasihat itu memberi kesan kepada Raja. Pada 1754, Raja isyithar bahawa semua sekatan terhadap perdagangan gandum, rai, dan jagung dihapuskan.

Jadi, sesiapa sahaja boleh berdagang ke mana mana sahaja. Namun, idea

ini tak lama bertahan. Berlakunya masalah tanaman. Masalah tanaman memberi kesan kepada pengeluaran. Lalu disebabkan *demand and supply*, harga barang pun meningkat. Pada 1770 perintah itu dibatalkan.

## Laissez Faire

Apa itu Laissez Faire?

Laissez Faire adalah salah satu teori yang lahir dari konsep kebebasan kapitalisme. Iaitu semua perdagangan, mesti dibebaskan. Biarlah ia beroperasi secara semula jadi.

Jalurnya dari Liberalisme Klasik yang memperjuangkan Konsep Negative Liberty. Iaitu kebebasan itu bermaksud bebas daripada apa sahaja.

Jadi, kerajaan yang amalkan Liberalisme Klasik ini tak letak undang-undang banyak-banyak. Ini kerana, undang-undang ni akan sekat kebebasan orang.

Jadi, rakyat perlu bebas daripada apa sahaja (*negative liberty*)

Turgot (1727-1781) selalu dikaitkan dengan kemunculan Laissez-Faire.

Beliau boleh dikatakan pernah berkenalan dengan Adam Smith (1723-1790) yang merupakan pengasas Kapitalisme.

Zaman itu, banyak teori ekonomi yang diperdebatkan. Apatah lagi ketika itu ekonomi rakyat sedang meruncing.

Termasuk kebuluran, percukaian yang menggilala, kemiskinan, para bangsawan pula membolot kekayaan dan macam macam lagi.

## Penindasan

Turgot menyaksikan penindasan terhadap para petani. Hidup miskin. Dikenakan cukai pula. Jadi, beliau terfikir nak bantu.

Golongan petani ketika itu ditekan oleh golongan bangsawan. Lalu, Turgot memperjuangkan supaya wujudnya perdagangan bebas.

Iaitu setiap orang (termasuk para petani) bebas berdagang tanpa perlu

Turgot

Anne Robert Jacques

Sambung muka 4 >>>



## komenEditor

## Tiada perubahan: Masalah telur, ayam pun tak mampu selesai

Oleh WAN  
NORDIN  
WAN  
YAACOB



LEBIH dua minggu janji perubahan diumumkan oleh Perdana Menteri, Datuk Seri Anwar Ibrahim mengenai perubahan dalam mendepani tekanan ekonomi yang dihadapi rakyat termasuk dalam isu kenaikan harga barangan keperluan khususnya makanan.

Yang ada hanya pengumuman 'lawak' Menteri Ekonomi, Rafizi Ramli mengenai pelan dan teori jangan beli di kedai yang mahal sahaja, sedangkan semua kedai jual harga ayam dan telur juga barangan lain sememangnya mahal.

Kalau setakat mahu cadangkan beli kedai lain, rasanya ramai lagi yang layak jadi menteri tanpa perlu jadi seperti Rafizi.

Adapun masalah telur yang membelenggu rakyat sejak mutakhir ini juga tidak selesai, sementara kelibat menteri yang menguruskan hal telur ini semakin sepi dan mendiamkan diri, mungkin beliau masih ingat beliau Menteri Pertahanan barangkali.

Sebelum Pilihan Raya dan semasa kempen PRU-15, PH khususnya cukup lantang mendesak kerajaan menangani kos sara

hidup rakyat dengan pelbagai cadangan dan tidak kurang kecaman. Namun segala cadangan yang kononnya bernas itu hari ini menjadi 'tak cerdik' malah jadi 'lawak' selepas mereka menjadi kerajaan.

Apakah mungkin kerana 'bapa borek anak rintik' Janji Hari Ini Jadi PM, Esok Turun Harga Minyak' tidak mampu menjadi realiti kerana teori yang hanya mampu diungkap semasa kempen dan menghentam ketika kempen.

Selepas menjadi kerajaan segala cadangan semasa pembangkang dahulu tidak valid malah menjadi sebaliknya. Segala teori ekonomi bagi mempertahankan kapitalis, menolak kebajikan rakyat mula terhidang. Malah teori yang meru- langkan semula beban kepada rakyat kini diguna pakai.

Agaknya sampai bila masalah ini akan dapat diselesaikan? Apakah tunggu PRU-16 untuk diberikan janji ditabur bagi menyakinkan rakyat bahawa harga telur dan ayam boleh diturunkan dan bekalan dapat distabilkan?

Apakah teori ekonomi yang bakal dijaja lagi demi memberi alasan demi alasan menghalalkan hujah dan janji kosong mereka ini?

## &lt;&lt; Dari muka 3

melalui para bangsawan. Asasnya seperti sama dengan pelaksanaan kerajaan zaman Francois tadi.

## Percubaan

Pada 1774, Turgot dilantik Menteri Kewangan Raja. Beliau memansuhkan semua sekatan ke atas industri bijirin yang dikawal ketat. Sebab nak bantu petani pasaran hasil mereka.

Beliau juga membenarkan import dan eksport antara wilayah, agar beroperasi sebagai sistem perdagangan bebas.

Tapi, apabila hasil tualan yang slow, ia menyebabkan pengeluarannya kurang, harga pun melonjak sampai siling (ceiling). Peniaga pun so-

rokan bekalan. Ada yang eksport ke negara lain kerana untung lebih.

Jadi, bekalan makanan tempatan pun kurang. Ribuan rakyat Perancis kelaparan. Rusuhan berlaku selama beberapa bulan.

Pada pertengahan 1775, kerajaan ambil alih balik. Kerajaan kawal pasaran bijirin, termasuk eksport tadi.

Walaupun permulaannya nampak celaru, namun teori ini dikembangkan lagi oleh ahli ekonomi British seperti Smith dan David Ricardo pada zaman Revolusi Industri selepas itu.

Artikel berkaitan:  
<https://www.facebook.com/100051781123067/posts/30428137974588/?d=n>

MUHAMMAD MUJAHIB  
ER MOHAMMAD FADZIL  
-26/12/2022



# Bekalan telur, minyak masak peket masih tidak cukup



**KHIRIJAN RAMLI** mengangkat stok telur untuk diagihkan kepada peniaga di Pasar Besar Alor Setar semalam. - SHAHIR NOORDIN

**ALOR SETAR** - Kerajaan diminta supaya bertindak segera bagi memastikan bekalan barangan keperluan termasuk telur dan minyak masak peket mencukupi menjelang Tahun Baharu Cina tidak lama lagi.

Presiden Persatuan Pengguna Kedah (Cape), Mohamad Yusrizal Yusoff berkata, ketika ini wujud kebimbangan terhadap bekalan bagi dua barangan tersebut yang masih dicari penguna di negeri ini.

Menurut beliau, walaupun bekalan telur di pasar raya besar kembali pulih, namun bekalan di kedai runcit masih meruncing.

"Pada musim cuti sekolah kali ini, kita dapat melihat permintaan telur yang tinggi, tetapi

masih belum mencukupi di negeri ini walaupun kerajaan sudah mengambil langkah membawa masuk telur import.

"Selepas cuti sekolah berakhir, permintaan ke atas telur mungkin menurun, namun permintaan pasti akan meningkat menjelang Tahun Baharu Cina.

"Jadi kita amat berharap agar masalah ini dapat diselesaikan secepat mungkin," katanya selepas melakukan tinjauan harga dan bekalan barangan di Pasar Besar Alor Setar di sini semalam.

Sementara itu, peniaga runcit di pasar tersebut, Milatul Sham-sul Mohd. Fauzi, 36, mengakui peniaga masih sukar untuk mendapatkan bekalan kedua-dua barangan tersebut.

Menurut lelaki itu, bekalan diterima juga terhad sehingga menyebabkan bekalan telur dihantar pembekal habis dalam tempoh singkat iaitu tidak sampai sehari.

"Keadaan itu menyebabkan pelanggan terutama peniaga makanan merungut. Jika mereka dapati bekalan telur tiba, pelanggan terutama peniaga makanan biasanya akan membeli dalam jumlah banyak sehingga empat atau lima papan, malah ada juga yang sudah buat tempahan awal.

"Telur dan minyak masak merupakan barangan bersubsidi. Disebabkan itu, saya fikir kerajaan perlu mengambil langkah tegas untuk memastikan bekalan nya mencukupi," katanya.

# Bekalan telur, minyak masak resahkan peniaga

Kerajaan diminta bertindak segera atasi barangan tidak cukup

Oleh Noorazura Abdul Rahman  
bhnews@bh.com.my

Alor Setar: Peniaga di Pasar Besar di sini, mengeluh kerana masih sukar mendapatkan bekalan telur mencukupi secara berterusan daripada pembekal sejak pertengahan bulan lalu.

Peniaga telur mengakui simpati dengan suri rumah dan peniaga kecil yang kebanyakannya pelanggan mereka kerana terjejas perniagaan.

Milatul Shamsul Mohd Fauzi, 36, berkata walaupun pelanggan tak berhenti merungui, peniaga telur di pasar itu tidak dapat berbuat apa-apa kerana bekalan dihantar pembekal sangat terhad.

"Pembekal hanya hantar telur sekali atau dua kali seminggu dan bekalan pula terhad. Dahulu saya boleh ambil hingga 40 papan, sekarang separuh sahaja.

"Saya terpaksa hadkan jualan kepada pelanggan. Apabila stok tidak sampai satu hari sudah lapan tahun berniaga di situ.

Milatul Shamsul berkata, be-



Milatul Shamsul menunjukkan bekalan telur yang terhad di kedainya di Pasar Besar Alor Setar, semalam.

(Foto Noorazura Abdul Rahman/BH)

kalan minyak masak paket juga turut menerima bekalan terhad. "Barang memabihkan subsidi, mesti ada masalah bekalan. Kerajaan perlu lihat perkara ini hingga ke peringkat akar umbi, saya fikir kerajaan perlu mengambil langkah tegas untuk memastikan bekalan mencukupi," katanya.

"Walaupun bekalan telur di pasar raya besar dilihat kembali pulih, bekalan di kedai runcit masih meruncing.

"Pada musim cuti sekolah kali ini kita dapat lihat permintaan telur yang tinggi, tetapi

tidak mencukupi di negeri ini walaupun kerajaan sudah mem-bawa masuk telur import.

"Selepas cuti sekolah berakhir permintaan telur mungkin menurun, namun dalam tempoh dua atau tiga minggu lagi kita akan menyambut perayaan Tahun Baharu Cina.

"Ketika ini permintaan pasti meningkat dan kita berharap masalah dapat selesai secepat mungkin," katanya ditemui selepas melakukan tinjauan harga dan bekalan barangan di Pasar Besar, di sini, semalam.

## Pernikahan Ujwal

Sementara itu, Presiden Persatuan Pengguna Kedah (CAKE), Mohamad Yusrizal Yusoff, berkata kerajaan diminta bertindak



3/1/2023

UTUSAN

DALAM

32

MALAYSIA

NEGERI

# Petani rugi RM100,000, padi ditenggelami banjir

Oleh **NOOR HAYATI MAMAT**  
 utusannews@mediamulla.com.my

**HULU TERENGGANU:** Seramai 25 pesawah Projek Tanaman Berkelompok Padi Paya Rapat di Kampung Kuala Ping dan Tok Lawit di sini mengalami kerugian hampir RM100,000 setelah tanaman padi yang diusahakan musnah akibat banjir baru-baru ini.

Ketua Unit projek tanaman kelompok itu, Johari Chik, 59, berkata, kawasan sawah seluas kira-kira 48 hektar itu ditenggelami air hingga mencecah dua meter menyebabkan kira-kira 50 peratus tanaman padi rosak.

Menurutnya, sebahagian pesawah telah selesai kerja-kerja menabur benih padi seawal November lalu dengan jangkakan hasil dapat dituai sekitar Mac atau April tahun ini.

"Hasil tuaian dianggarkan antara 160 hingga 180 tan padi dengan nilaian hampir RM200,000. Namun akibat banjir banyak tanaman rosak, kemusnahannya sekitar 50 peratus.

"Ada petak sawah dipenuhi lumpur tebal hingga tenggelamkan benih padi yang baharu tumbuh. Jangkaan awal hasil diperoleh nanti cuma sekitar 50 hingga 80 tan sahaja.

"Keadaan ini tentunya akan jejasakan pendapatan pesawah.



**SHAMSUDIN Mat Zin (kanan) menunjukkan tanaman padi yang musnah akibat banjir di Kampung Kuala Ping, Hulu Terengganu. - UTUSAN/NOOR HAYATI MAMAT**

Banjir baru-baru ini lebih besar berbanding 2014 dan jumlah kerugian agak besar," katanya di sini semalam.

Pesawah, Shamsudin Mat Zin, 54, berkata, dia kerugian RM3,000 setelah tanaman seluas 0.8 hektar diusahakan musnah sepenuhnya.

"Saya 'berputih mata' apabila dua tan padi dijangka dituai Mac ini dengan anggaran pendapatan RM2,500 sekadar mumpi.

"Sepanjang musim tengkujuh ini sudah empat kali petak sawah ditenggelami air termasuk ketika banjir besar baru-baru ini akibat limpahan Sungai Telerong dan Sungai Ping.

"Petak sawah saya dipenuhi lumpur dan kerja-kerja membaiki perlu dilakukan semula sebelum tabur benih padi baharu, semua ini perlu keuarkan duit," jelasnya yang usahakan tanaman padi sejak 20 tahun lalu.

Bagi seorang lagi pesawah, Siti Habsah Mamat, 62, yang menanam padi sejak 1975, setiap kali banjir besar melanda dia alami kerugian antara RM2,000 hingga RM13,000.

Katanya, walaupun saban tahun berdepan situasi berkenaan namun dia tidak putus asa untuk terus usahakan tanaman padi sebagai sumber pendapatan selain sudah begitu sebatan dalam dirinya.

# Greenhouse provides therapy, source of income to students with cerebral palsy

By REMAR NORDIN

remar.nordin@thestar.com.my

AN AGROTHERAPY greenhouse at the Johor Cerebral Palsy Association (JCPA) centre is set to benefit 90 students.

JCPA chairman Tunku Fatimah Faridah Tunku Osman said the greenhouse was donated by Johor Corporation's (JCorp) plantation unit, Kulim (M) Bhd, to encourage hands-on learning.

"This project will also help us earn an income and become self-sustainable," she said in her speech at the agrototherapy greenhouse handover ceremony at JCPA in Jalan Dato' Menteri, Johor Baru.

Tunku Fatimah Faridah said Johor Agriculture Department would also provide training to the students and staff.

"At the moment, lettuce will be planted in the greenhouse.

"It will take about a week before it can be harvested and sold," she said.

She added that the vegetables would be sold to the public and parents of the students.

Kulim managing director Mohd Faris Adli Shukery said the project replaced the old JCPA greenhouse on the same plot.

"We have been a close partner of JCPA, and previously donated MD2 pineapple harvested from our plantation in Ulu Tiram.

"We hope the greenhouse project can help JCPA develop an income stream through the sale of the produce grown.

"The greenhouse is able to produce more than 600 fruits and vegetables at one time," he said.

JCorp Foundation chairman Rozaini Mohd Sani said the greenhouse, which costs around RM40,000, was developed in line with its environmental, social and governance agenda.

"We aim to support programmes that involve the community with a focus on education, upskilling and improving people's livelihood," he added.



Tunku Fatimah planting lettuce to signify the launch of the Johor Cerebral Palsy Association's agrototherapy greenhouse.



Headline	Mini budget and egg, rice and meat		
MediaTitle	Nanyang Siang Pau		
Date	03 Jan 2023	Color	Full Color
Section	National	Circulation	27,667
Page No	A2	Readership	83,000
Language	Chinese	ArticleSize	633 cm <sup>2</sup>
Journalist	N/A	AdValue	RM 7,962
Frequency	Daily	PR Value	RM 23,886



南洋商报

2023年1月3日 星期二



财经

BUSINESS NEWS

A2



丹斯里吴添泉

马来西亚中华大会堂总会(华总)总会长  
亿利达控股有限公司集团执行主席

## 迷你预算案和蛋米肉

寒无悬念的，由首相兼财长在1月20日，也就是新政府在新国会于前一天(19日)通过“信任动议”后，所提出的“2023年迷你财政预算案”获得一致通过，让第十任首相安华无惊无险的在国会殿堂，顺利通过了其政治和经济两大考验。

配合本月1日生效的迷你预算案，副首相兼财长曾于1977年1067万6650令吉的2022年迷你预算案头月稿(草案)，使今年的6个月迷你预算案支出分为两期。公用事业、教育医疗、福利援助等项目。

迷你预算案主要是列前政府在去年抄预算案今年度预算案过后便解散国会，留了一个“手尾”给新届政府或国会再议通过，作为政府运作和应急用途，并非配合下月再呈交国会完整的2023年预算案。寻求通过。

迷你预算案的幅度并不大，短缺之前抄预算案迷你预算案期间，其中原因相信是原本“迷你预算案”背后，因“团结”了上届政府所面临的困境的驱动者，因此此迷你预算案除了“迷你预算案”与内容外。

这些财政性的措施，包括公务员加薪、学生开学和人民就业津贴

金、失业和免牌(50%)和50%中低收入群体的生活等等。

无论如何，当首相在国会宣布了一些比较新和令人关注的迷你预算案，这包括进口鸡蛋直到国内供应恢复稳定、针对性调整电费、博彩公司原本在一年可举行22次的特别开奖减少至8次，以及国家稻米公司的损失等等。

民以食为天，这里，我想谈谈在迷你预算案中，首相所提到的另外两个重要民生议题，那就是鸡蛋和米肉。

### 进口鸡蛋供应之计

虽然政府已从印度进口鸡蛋，而且也表示，随着农历年即将到来，进口量也会增加。以应付过年期间的需求，但进口鸡蛋只是应对短期之需的暂时方案，应对不是长久之计。

国内鸡蛋供应链从去年开

始，因国际饲料供应问题导致空场成本增加，导致了政府以定的补贴价格，生产商只好减产或暂时停产止损，一些鸡蛋出口量从中“损失补回”。

据马来西亚禽畜业公会的数据，之前我国农场一天可生产3000万个鸡蛋，一个月大约是9亿个，每个鸡蛋均价是35至39仙，但饲养成本已超过40仙，意味着养殖户有亏损，农场也无利可图，还要面对亏损，尤其是一些中小农场也暂时停止运营避免继续亏损，鸡场上国内原有50%鸡蛋产量来自中小农场，因此单靠大型农场肯定无法没有需求。

另一个数据是，我倒是觉得：五大鸡蛋出口国之一(除了4个国家包括荷兰、土耳其、波兰和泰国)，对一个鸡蛋出口国而言，今天竟然还靠从海外进口鸡蛋，显示出问题的严重和紧迫性。

因此，我谨此建议，政府相关部门应该马上和相关业者及媒体代表展开全面对话，并诚挚公开深入探讨真正的问题所在，通过理性地寻求寻求多赢，包括可行的话，针对性补贴的减免补贴(包括考虑饲料补贴在内)于本地农场，或是更灵活的调整鸡蛋供应大量可及的水平，让农场全面恢复生产，稳定产量，达到国内自给自足，不需再进口，以免马币外流损失外汇。

### 勿再垄断白米进口

另一个是有关被贴有化化的国家稻米公司(ENRMS)同意在去年捐款1000万令吉，以及在今年捐款5000万令吉多国内禁囤积米粮。

我们并不反对政府和有关公司达到的这项“积善为德”，但都希望政府能够以更长远目标和计划，来确保国家未来的稻米业生产、发展以及白米进口问题，包括在针对进口白米的自主权问题。

上届政府在竞选期间，已承诺禁止国家稻米公司垄断的囤积，并由时任经济事务部长拿督斯里阿兹敏和其他几个跨部门委员会组成一个特别委员会，研究替代方案。

在去年7月间，当安华还是国会反对党领袖的时候，就曾经在国会提出反对政府部长以国家公司垄断，并希望政府检讨有关事项，不过，时任农业及食品部长斯里曼曼斯罗罗在国会回应时，指政府在2020年决定延长国家稻米公司在2021年到期的特许经营权，以作为国内唯一的稻米进口商是确保国内有稳定的白米供应。

例如在州人民和政党，也希望国家稻米公司过去进口白米自主权。

另一个没有在前国会提出过的食品议题，是国内猪肉价格上涨。

过去一年来，猪肉产品价格可以说是“一涨再涨”，至于与相关食品公司的猪肉产品食品如猪肉、肉干、肉松、肉卷等，难免面对“一涨再涨”。

希望这次在猪肉肉价，除了肉干肉松肉卷之外，也应当去国内猪肉商面对的困境，例如提供饲料补贴，以协助减轻非肉类猪肉，避免猪肉价格一再水涨船高。

希望政府能够关注这些议题，并寻求多赢方案，有效、多赢和长远的去化解，以真正惠民、惠商、惠国。